



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens. Fvndationes Et Erectiones Monasteriorvm, Et Ecclesiarum
Collegiatarum, &c. per Boiarum, ac loca quædam vicina

Hund, Wiguleus

Monachii, 1620

Sequuntur aliquot confirmationes.

urn:nbn:de:hbz:466:1-13591

- II. Dn. CONRADVS elig. an. 1162. sub eius guberatione literæ erectionis erectæ & confirmatæ sunt, præfuit an. 28. ob. an. 1190.
- III. Dn. GEBESOI. el. an. 1190. præf. an. 8. decessit an. 1198.
- IV. Dn. WALTHERVS el. an. 1198. Præposituræ præfuit an. 10. vitam cum morte commutauit an. 1208.
- V. Dn. BERTHOLDVS I. elig. an. 1208. rexit an. 16. ob. an. 1223.
- VI. Dn. GEBESOI. elig. an. 1223. præf. an. 16. defunct. an. 1239.
- VII. Dn. BERTHOLDVS II. præf. an. 1239. gubernauit an. 26. ob. 1265.
- VIII. Dn. MANEGOLDVS præfuit in vniuersum an. 5. ob. an. 1270.
- IX. Dn. EGENO elig. an. 1270. rexit an. 11. mor. an. 1281.
- X. Dn. DIETHERIVS constituitur ppositus an. 1281. p. an. 12. ob. an. 1293.
- XI. Dn. EBERHARDVS el. an. 1293. clauum tenuit reg. an. 18. defunct. an. 1311.
- XII. Dn. VDALRICVS præfidere cepit an. 1311. præf. an. 26. ob. an. 1337.
- XIII. Dn. BERTHOLDVS III. el. an. 1337. præf. an. 32. vita excessit an. 1369.
- XIV. Dn. BERTHOLDVS IV. elig. an. 1369. præf. an. 10. ob. an. 1379.
- XV. Dn. IOANNES I. el. an. 1379. præfedit an. 6. defunct. an. 1385.
- XVI. Dn. CONRADVS II. præf. an. 1385. rex. an. 7. decessit an. 1392.
- XVII. Dn. VDALRICVS II. elig. an. 1392. præf. an. 8. migravit è vita an. 1400.
- XVIII. Dn. PETRVS præfuit annis duobus resignauit an. 1402.
- XIX. Dn. IOANNES II. *Sürgius*, ex nobili familia de Sürgenstein, adsciscitur ex monasterio *Rotbensi* & Præposituræ huic præficitur, an. 1402. Hic videns cænobium ad extremam inopiam ac ruinam deuenisse; *Martinum V.* Pont. Max. *Constantiæ* adiit, & ab eo literas Papales impetrauit contra omnes eos, qui Monsterij bona per vim vel fraudem occuparant, & iniuste tenebant: quibus mandabatur, vt bona occupata sine contradictione redderent. Præfuit laudabiliter annis 29: vt merito à *Güelphone* alter Fundator dicatur, ob. an. 1431.
- XX. Dn. IOANNES III. *Scheütterer*, *Sürgij* successor, tertio regiminis sui anno Abbatis dignitatem & ornamenta consecutus, primus huius loci Abbas numeratur, præf. an. 14. decessit an. 1445.
- XXI. Dn. IOANNES IV. el. an. 1445. rex. an. 5. ob. an. 1450.
- XXII. Dn. CONRADVS III. el. an. 1450. præf. an. 6. decessit. an. 1456.
- XXIII. Dn. CASPARVS præficitur an. 1456. rex. an. 35. ob. an. 1491.
- XXIV. Dn. VITVS constituitur Abbas an. 1491. p. an. 9. denascitur an. 1500.
- XXV. Dn. VDALRICVS III. al. *Sellarius* dictus, el. an. 1501. sedit an. 23. ob. an. 1523.
- XXVI. Dn. IOANNES V. dict. *Dimpt*, designatur Abbas an. 1523. præf. an. 12. ob. an. 1535.
- XXVII. Dn. MICHAEL *Moser* el. an. 1535. rex. an. 18. ob. an. 1553.
- XXVIII. Dn. IOACHIMVS *Salicetus* præf. an. 1553. decessit an. 1580.
- XXIX. Dn. GALLVS el. an. 1580. præf. an. 26. ob. an. 1606.
- XXX. Dn. GEORGIVS, modernus Abbas, in numero Abbatum vndecimus;

Sequuntur aliquot confirmationes.

Gregorius Tertius Seruorum Dei, dilectis filiis Præposito & Conuentui Monasterij in *Steingaden* Ordinis *Premostraten. Augustana* Diæcesis, Salutem & apostolicam benedictionem. Cum à nobis petitur quod iustum est, & honestum, tam vigor æquitatis, quam ordo exigit rationis, vt id p sollicitudinem

officij nostri ad debitum perducatur effectum. Eapropter dilecti in Domino filij, vestris justis postulationibus grato concurrentes assensu, personas vestras & Monasterium in *Staingaden*, in quo diuino mancipati estis obsequio, cum omnibus bonis, quæ in presentiarum rationabiliter possidet, aut in futurum presentante Domino, justis modis poterit adipisci, sub Beati *Petri* & nostra protectione suscipimus: Specialiter autem Ecclesiam *S. Georgij* in *Sybenach*, cum pertinentiis suis, quam Venerabilis frater noster *S. Augusten*, Episcopus, specialem ad eum, Capituli sui accedente consensu, vobis pia & prouida liberalitate donauit, pro vt in literis inde confectis plenius dicitur contineri, nec non terras, possessiones, & alia bona vestra, sicut ea iuste omnia ac pacifice possidetis, vobis & eidem Monasterio per vos auctoritate apostolica confirmamus, & presentis scripti patrocinio communimus. Nulli ergo omnino hominum liceat hanc paginam nostræ protectionis & confirmationis infringere, vel ei assensu temerario contraire. Si quis autem hoc attemptare presumpserit, indignationem omnipotentis Dei, & Beatorum *Petri* & *Pauli* Apostolorum eius se noverit incursum. Datum *Lateran*. II. Id. April. Pontificat. nostri an. 12.

Lvdovicus Dei gratia *Rom.* Rex semper Augustus. Vniuersis sacri *Rom.* Imperij fidelibus presentes literas inspecturis, gratiam suam & omne bonum. Ex parte religiosorum virorum Præpositi & Conuentus in *Staingaden* clementiæ regię humiliter supplicatum, quatenus literas diuæ memoriæ quondam dominorum *Heinrici* & *Alberti* Romanorum Regum prædecessorum nostrorū Illustrium, sub eiusdem Domini *Alberti* vero & pendenti sigillo conscriptas, & dicto Monasterio concessas, cum quibusdam bonis ipsi Monasterio conquisitis, & infra expressis confirmare auctoritate regia dignaremur: Quarum quidem literarum tenor per omnia dignoscitur esse talis: *Albertus* Dei gratia *Romanorum* Rex &c. vt supra pag. Nos igitur religionis fauore, & vt facta donationes dicto Monasterio certius innoventur, singula in præmissis literis *Heinrici* eidem Monasterio donata & concessa, & per dictum *Albertum* postmodum confirmata, cum bonis postmodum ipsi Monasterio de nouo conquisitis, videlicet possessiones in *Holzhausen* cum Ecclesia ibidem, possessiones in *Husen* prope *Waal*, cum Ecclesia ibidem, possessiones in *Vrsingen* superiori & inferiori cum Ecclesia ibidem, Villam in *Laisershouen* cum Ecclesia ibidem, possessiones in *Trangou* cum Ecclesia ibidem, prædia in *Kinberg*, prædia in *Witb*, prædia in *Rammingen*, prædia in *Ringolriet*, & in *Husen* prope *Mindelheim*, curiam in *Latmzingen*, curiam in *Erringen*, decimam in *Vtingen*, prædia in *Mur* & in *Emmingen*, oppidum in *Birkberg*, & duo prædia in *Wil*, prædia in *Niederhouen* cum Ecclesia ibidem, sicut ea ritè & legitime possidet, potestate regia similiter approbamus, innouamus, confirmamus, & presentis scripti patrocinio communimus. In cuius rei testimonium presentes literas conferibi, & nostræ Maiestatis sigillo iussimus communiri. Datum *Augusta* Nonis Decembris, Anno Dñi 1322. Regni verò nostri anno nono.

Ead. privilegia & concess. confirmavit quoque Carolus IV.
Imp. an. 1354.

Sigismundus D. g. *Romanorum* Rex semper Augustus, ac *Vngarie*, *Bohemia*, *Dalmatia*, *Croatia* &c. Rex, ad perpetuam rei memoriam. Notum facimus tenore presentium vniuersis, ad hoc summi dispensatione præsidij principalis Monarchiæ obtinuissus Principatum, ad hoc sacri Imperij insigne suscepimus diadema, vti ad alia extrinseca nos sollicitudo continuo prouocet, ad ea tantè
quæ

quæ statim felicem & quietum ac incrementum jurium, gratiarum & libertatum personarum religiosarum prospiciunt, tantò intendamus vberius, quanto nostram præ cæteris mundi principibus solum magnificentius crexit celestis prouidentia creatoris. Sanè pro parte Religiosorum Præpositi & Conuentus Ecclesiæ S. Ioannis Baptistæ in *Staingaden Angusten*. Diæcesis & ordinis *Præmonstraten*. deuotorum nostrorum dilectorum nostræ Celsitudini exitit humiliter supplicatum, quatenus ipsis & eorum Monasterio vniuersa & singula jura, gratias, priuilegia, libertates, indulga, munimenta, literas, bona, possessiones & prædia, ipsis à Diuis Romanorum Imperatorib. atq; Regibus, prædecessoribus nostris felicissimæ recordationis data, donata, & concessa, datas, donatas, & concessas, & signanter literas quasdã Sec. morum Principum *Henrici & Caroli* genitoris nostri, prædecessorum nostrorum, & omnia in eisdem contenta, de benignitate regia ratificare, approbare & confirmare gratiosius dignaremur. Nos itaq; supplicationibus huiusmodi Maiestati nostræ, pro præfatis Præposito & Conuentu Monasterij prælibati humiliter factis, benignius inclinati, considerantes, & que petitionem ipsorum rationabilem atque iustam, ipsis & eidem Monasterio vniuersa & singula jura, gratias, priuilegia, libertates, indulga, munimenta, literas, bona, possessiones & prædia per ipsos, à Diuis Rom. Imperatoribus atque Regibus, & signanter à Serenissimis Principibus *Henrico & Carolo* Rom. Regibus obtenta & obtentas, in omnibus suis punctis, clausulis, sententiis, & articulis, nõ per errorem aut improvidè, sed sano Principum, Comitum, Baronum, & Procerum nostrorum accedente consilio, ex certa scientia & de Romanæ Regiæ potestatis plenitudine approbauimus, ratificauimus, innouauimus & confirmauimus: approbamus, ratificamus, innouamus, & tenore præsentium gratiosius confirmamus, decernentes ea, & eas perpetuam obtinere roboris firmitatem, ac si præsentibus de verbo ad verbum seriatim essent inserta, ac inserta. Nulli ergò omnino hominum liceat hanc nostræ approbationis, ratificationis, innouationis & confirmationis paginam infringere, aut ei quouis ausu temerario contraire. Si quis autem hoc attentare præsumpserit, indignationem nostram grauissimam, & pœnam in literis prædecessorum nostrorum contentam, & signanter in literis dictorum Serenissimorum Principum *Henrici & Caroli*, se noverit incursum; mediam nostro & Imperij sacri ærario, & residuam partem dictis Præposito, Conuentui & Monasterio in *Staingaden* irremissibiliter persoluentiam, Præsentium sub nostræ Maiestatis sigillo testimonio literarum. Datum *Tetta, Nautensis* Diæcesis, anno Domini 1425. 26. die Martij, Regnorum nostrorum anno *Vngaria 28. Romanorum 15. Bohemia* verò quinto.

S V B E N.

Iuxta Oenum in Inferiore Bauaria Engelbertus, certius huius nominis Dux ^{Auent. in annal. fol 552.} Charinthiæ de familia Comitum Ortenbergenium vnà cum coniuge sua Vta Comitissa de Sulz pach, seu, vt alij ponunt, de Bücten, quod verisimilius puto, constituerunt, seu, vt vulgò dicitur, fundarunt Monasterium Suben; pro Canonicis Regularibus S. Augustini, quod hodie valdè exiguas ac tenues habet redditus. In quodam scripto Catalogo Episcoporum Tridentinorum, ex Iohanne Pincio, reperio ita scriptum, Altemannus ex Comitibus Bauariæ fundator Monasterij Suben, Diæcesis Pataviæ, &c. Episcopus 67. Auentino plus crediderim, qui sine dubio vetera monumenta illius Monasterij vidit.

ADDITIONES.

EX antiq. Monument. & moderni Præpositi *Suben*. literis apparet, haud omnino abs re esse, quæ de fundatoribus huius Monasterij *IVTA*, & *Altmanno* Episcopo *Tridentino* narrantur.

Tute